



## Japan proljeće iz Sarajeva

10. mart 2025. - 21. mart 2025.

12 dana - 10 noći

“ Nasmijano pleme Vas vodi na putovanje u čudesni **Japan** u vrijeme kada je ova zemlja najljepša i najživlja, vrijeme kada je sakura. Japan je ostrvska zemlja istočne Azije koja predstavlja izolovan svijet jedinstvene kulture i pejzaža. Čak 70% površine Japana pokriveno je planinama, uključujući i preko sto aktivnih vulkana. Najveća ostrva Japan su Honshū, Hokkaido i Kyushu i Shikoku.

Upoznavanje ove zemlje započinjemo iz njegove prijestolnice Tokya. Osim toga upoznat ćemo i Nikko, Kyoto, metropolu Osaku, Naru kao i Hiroshimu, gdje obilazimo park i Memorijalni muzej mira.

Na ovom putovanju vas čeka i vožnja čuvenim japanskim vozom (šinkansen), najbolji suši, najljepše palate i upoznavanje autentičnog Japana!

Nasmijano pleme je spremno za avanturu sa mirisom trešnjinog cvijeta – čekamo te!





**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

## Plan i program

### Dan 1: Okupljanje grupe i polazak

Okupljanje na aerodromu u Sarajevu dva sata prije leta. Let za Dubai u 14:40. Slijetanje u Dubai u 22:55h po lokalnom vremenu. Transfer do smještaja u Dubaiju. Noćenje.

#### Prevoz

Avionska karta sa svim taksama na relaciji Sarajevo - Dubai - Tokyo, u ekonomskoj klasi sa presjedanjem  
Transfer od aerodroma do smještaja

#### Smeštaj

Hotel 4\* u Dubaiju (1 noć)

#### Mesto

Sarajevo, Dubai

### Dan 2: Konekcija na let i dolazak u Tokyo

Konekcija na let za Tokio. Let iz Dubaija u 8:20. Dolazak u Tokio na aerodrom Haneda u 22:30h. Transfer do smještaja. Slobodno vrijeme za individualne aktivnosti. Noćenje.

#### Smeštaj

Hotel 3\* Tokio (Tokyo) (1 noć)

#### Mesto

Tokyo

### Dan 3: Fakultativni izlet - obilazak Tokija – prijestolnice „Zemlje izlazećeg sunca“

Prva stanica metroom nam je Asakusa district koji odiše pravom japanskom tradicijom. Posjetićemo najpoznatiji hram Sensoji i prošetati kroz Nakamise ulicu, poznatu po autentičnim prodavnicama suvenira i načičkanim tezgama gdje ćemo probati različite tradicionalne japanske slatkiše. Nakon toga, odlazimo do Ueno parka. Uživamo u šetnji stazom okruženoj sa više od hiljadu veličanstvenih stabala trešnje. Nakon predaha, odlazimo do Carske palate, koja nije otvorena za posetioce, ali se nalazi u veoma lijepom ambijentu japanskog parka u samom centru grada. Obilazimo Tokyo Metropolitan Government (TMG), treću najvišu zgradu u Tokiju gdje ćemo uživati u panorami ovog nevjerojatnog grada. U popodnevnom satima odlazimo u Shinjuku district, poznatu kao oblast koja "ne spava". Takođe, Shinjuku stanica, predstavlja najprometniju željezničku stanicu na svijetu koja dnevno preveze više od dva miliona putnika. Obiluje visokim neboderima, širokim trgovačkim ulicama i bezbroj kafića, barova i restorana. Svratićemo u Kabukicho, oblast koja predstavlja pravi labirint hotela i mjesta za noćno uživanje. Povratak u smještaj u kasnim večernjim satima. Noćenje.

#### Smeštaj

Hotel 3\* Tokio (Tokyo) (1 noć)

#### Mesto

Tokyo

#### Fakultativni izleti

Japan - Paket od 8 izleta

### Dan 4: Fakultativni izlet - obilazak Tokyo 2

Nastavljamo obilazak Tokija nastavljamo posjetom Tsukidzi distriktu, japanskom "gradu hrane" gdje ćemo se susresti sa svim vrstama tradicionalne japanske hrane. Uživamo u ukusu originalnog japanskog sušija i ostalih specijaliteta od svježe ribe. Nakon ručka put nastavljamo prema Ginzi, najstarijem i najpoznatijem šoping distriktu Tokija. Prolazimo pored Kabuki teatra koji predstavlja tradicionalni japanski oblik pozorišta čiji korjeni sežu još iz Edo perioda. Odlazimo u Shibuyu, jedna od najživopisnijih i najprometnijih oblasti u Tokiju gdje su začeti mnogobrojni japanski modni trendovi. Uživati ćemo u shoppingu u nekoj od brojnih robnih kuća i tržnih centara. U okviru posjete Shibuji, posjetićemo i Harajuki, koja predstavlja srce japanske omladinske culture i Omotesando, najskuplji kvart u Tokiju. Nakon obilaska, povratak u smještaj. Noćenje.

#### Smeštaj

Hotel 3\* Tokio (Tokyo) (1 noć)

#### Mesto

Tokyo

#### Fakultativni izleti

Japan - Paket od 8 izleta



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### Dan 5: Fakultativni izlet – odlazak u grad Nikko

Transfer vozom od Tokija do Nika. Grad je riznica kako kulturno – istorijskih sadržaja, tako i prirodnih ljepota. Ovdje se nalazi mauzolej Toshogu, grobno mjesto osnivača dinastije Tokugawa Leyasu i jedan je od najljepših dvorskih kompleksa u Japanu koji je ušao pod UNESCO kulturnu zaštitu. U okviru njega se nalaze brojne prostorije sa umjetninama i rezbarijama od drveta od kojih su svakako najpoznatiji tri mudra majmuna (jedan ne čuje, drugi ne govori, treći ne vidi). Pored ovog možemo vidjeti brojne pagode kao i "tajni most" preko rijeke Daija. U blizini se nalazi i Rinnō-ji Budin hram. Povratak u Tokio u kasnim večernjim časovima. Noćenje.

##### Prevoz

Transfer vozom Tokyo - Nikko -Tokyo

##### Smeštaj

Hotel 3\* Tokio (Tokyo) (1 noć)

##### Mesto

Nikko, Tokyo

##### Fakultativni izleti

Japan - Paket od 8 izleta

#### Dan 6: Transfer do Osake

Napuštanje smještaja i transfer vozom do Osake. Smještaj u hotel. Fakultativni izlet obilazak Osake. Poludnevno razgledanje ove interesantne metropole, sa preko hiljadu godina dugom historijom. Čak je i čuveni „Put svile“ vodio do Osake. Danas je treći po veličini grad u Japanu. Možemo vidjeti zamak Osaka, građen u 16. vijeku, u kome je danas smješteno nekoliko muzeja. Obilazimo i Dotonbori, dio grada poznat kao centar mode i zabave, ali i po restoranima sa lokalnom kuhinjom. Povratak u smještaj. Noćenje.

##### Prevoz

Transfer od Tokya do Osake

##### Smeštaj

Hotel 3\* Osaka (1 noć)

##### Mesto

Tokyo, Osaka

#### Dan 7: Fakultativni izlet - obilazak Kjota (Kyoto)

Cjelodnevni obilazak Kjota - izuzetnog grada koji zajedno sa 17 velikih hramova predstavlja dio svjetske kulturne baštine. Transfer vozom od Osake do Kjota. Obilazimo hram Kinkakuji ili Zlatni paviljon, najpoznatiji hram u Kjotu. Gornja dva sprata hrama su cijela prekrivena zlatnim listićima i posjeduje baštu koja je klasični primjer baštenske kulture iz 14. vijeka. Nakon toga, odlazimo na najfotogeničnije mjesto u Kjotu – Arashiyamu, čuvenu šumu bambusa gdje ćemo napraviti najzabavnije slike. Autobusom nastavljamo dalje ka centru grada. Svrtaćemo na Nishiki market i obilazimo Gion u Kjotu, tradicionalnom japanskom mjestu gdje dominiraju lokalni restorani, čajdžinice i gdje rade gejše. Tu je sniman i film „Memoari jedne gejše“. Povratak vozom u Osaku, a zatim metroom do smještaja u Osaki. Noćenje.

##### Prevoz

Transfer Osaka - Kyoto - Osaka

##### Smeštaj

Hotel 3\* Osaka (1 noć)

##### Mesto

Osaka, Kyoto

##### Fakultativni izleti

Japan - Paket od 8 izleta

#### Dan 8: Fakultativni izlet - odlazak u Naru i Fushimi Inari

Transfer vozom od Osake do Kjota odakle prvo posjećujemo Fushimi Inari, najvažnije od nekoliko hiljada svetilišta posvećenih Inariju, šintoističkom Bogu pirinča. Nakon toga, nastavljamo vozom ka nekadašnjoj prijestolnici Japana, Nari, koja je poznata i po tome što je budizam prvi put počeo da se pripovijeda u njoj i odatle se raširio po cijeloj zemlji. Šetnjom kroz Park jelena, stižemo do hrama Todaidi iz 8. vijeka, građenog u cilju zaštite zemlje i prosperiteta nacije (hram se još uvek sastoji od nekih tridesetak paviljona iz različitih perioda i stilova). Povratak vozom u Osaku, a zatim metroom do smještaja u Osaki. Noćenje

##### Prevoz

Transfer Osaka - Kyoto - Osaka

##### Smeštaj

Hotel 3\* Osaka (1 noć)

##### Mesto

Narra, Kyoto, Osaka

##### Fakultativni izleti

Japan - Paket od 8 izleta



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### Dan 9: Fakultativni izlet - cjelodnevni obilazak Hiroshima-e

Transfer vozom od Osake do Hirošime. Obilazak parka i Memorijalnog muzeja mira, u spomen na 6. avgust 1945. godine i pogibiju više od 100.000 ljudi stradalih u eksploziji atomske bombe. Odlazak do Mijađime i posjeta crvenim Torii vratima u vodi na ovom ostrvu. Uživanje u svježim ostrigama i drugim morskim plodovima. Povratak vozom u Osaku, a zatim metroom do smještaja u Osaki. Noćenje.

##### Prevoz

Transfer Osaka - Hiroshima - Osaka

##### Smeštaj

Hotel 3\* Osaka (1 noć)

##### Mesto

Hiroshima, Osaka

##### Fakultativni izleti

Japan - Paket od 8 izleta

#### Dan 10: Napuštanje smještaja i povratak u Tokyo

Napuštanje smještaja u Osaki i povratak u Tokio. Smještaj u hotel u Tokiju. Slobodan dan za individualne aktivnosti. Noćenje.

##### Prevoz

Transfer od Osake do Tokya

##### Smeštaj

Hotel 3\* Tokio (Tokyo) (1 noć)

##### Mesto

Osaka, Tokyo

#### Dan 11: Fakultativni izlet - U Kamakuru

Napuštanje smještaja u jutarnjim satima i fakultativni izlet u Kamakuru, grada poznatog po veličanstvenim hramovima, dobrim restoranima i popularnoj plaži. Prepoznatljiva je po statui Velikog Bude koju ćemo posjetiti prilikom obilaska. U popodnevnm satima se rastajemo sa ovom prekrasnom destinacijom. Transfer metroom do željezničke stanice odakle odlazimo na aerodrom. Let iz Tokija sa aerodroma Narita za Dubai u 22:20h.

##### Prevoz

Transfer od smještaja do aerodroma

Avionska karta sa svim taksama na relaciji Tokyo - Dubai - Sarajevo, u ekonomskoj klasi sa presjedanjem

##### Mesto

Tokyo

#### Dan 12: Povratak i kraj putovanja

Dolazak u Dubai u 05:30h. Konekcija na let za Sarajevo. Let iz Dubajia u 10:20h. Dolazak u Sarajevo u 13:40h. Kraj putovanja.

##### Mesto

Dubai, Sarajevo

#### Cene i uslovi

##### Šta je uključeno

Regularna cena

**4.780,00** BAM

Promo cijena

Vrijedi za 4 prve prijave!

**4.280,00** BAM

##### Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike
- Troškovi vađenja vize za Japan
- Ulaznice za kulturno istorijske spomenike
- Polica osiguranja od otkaza putovanja (može se uzeti u agenciji prilikom prijave)
- Doplatu za jednokrevetnu sobu (na upit)

**Uslovi plaćanja:** Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnici ili uplatu na transakcijski račun agencije.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

**Prijavljivanje:** Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

#### Fakultativni izleti

##### Japan - Paket od 8 izleta

Cijena: 399,00 EUR

**1) OBILAZAK TOKIJA 1** – Prvi dan obilazimo Asakusa district koji odiše pravom japanskom tradicijom. Posjetićemo najpoznatiji hram Sensoji i prošetati kroz Nakamise ulicu, poznatu po autentičnim prodavnicama suvenira i načičkanim tezgama gdje ćemo probati različite tradicionalne japanske slatkiše. Nakon toga, odlazimo do Ueno parka. Uživamo u šetnji stazom okruženoj sa više od hiljadu veličanstvenih stabala trešnje. Nakon predaha, odlazimo do Carske palate, koja nije otvorena za posjetioce, ali se nalazi u veoma lijepom ambijentu japanskog parka u samom centru grada.

Obilazimo Tokyo Metropolitan Government (TMG), treću najvišu zgradu u Tokiju gdje ćemo uživati u panorami ovog nevjerovatnog grada. U popodnevnom časovima odlazimo u Shinjuku district, poznatu kao oblast koja "ne spava". Također, Shinjuku stanica, predstavlja najprometniju željezničku stanicu na svijetu koja dnevno preveze više od dva miliona putnika. Obiluje visokim neboderima, širokim trgovačkim ulicama i bezbroj kafića, barova i restorana. Svratićemo u Kabukicho, oblast koja predstavlja pravi labirint hotela i mjesta za noćno uživanje.

**Cijena izleta uključuje:** usluge predstavnika naše agencije, karte za metro.

**2) OBILAZAK TOKIJA 2** – Drugi dan nastavljamo obilazak Tokija posjetom Tsukidzi distriktu, japanskom "gradu hrane" gdje ćemo se susresti sa svim vrstama tradicionalne japanske hrane. Uživamo u ukusu originalnog japanskog sušija i ostalih specijaliteta od svježih ribe. Nakon ručka put nastavljamo prema Ginzi, najstarijem i najpoznatijem šoping distriktu Tokija. Prolazimo pored Kabuki teatra koji predstavlja tradicionalni japanski oblik pozorišta čiji korijeni sežu još iz Edo perioda.

Odlazimo u Shibuyu, koja je jedna od najživopisnijih i najprometnijih oblasti u Tokiju gdje su začeti mnogobrojni japanski modni trendovi. Uživamo u shoppingu u nekoj od brojnih robnih kuća i tržnih centara. U okviru posjete Shibuji, posjetićemo i Harajuki, koja predstavlja srce japanske omladinske culture i Omotesando, najskuplji kvart u Tokiju.

**Cijena izleta uključuje:** usluge predstavnika naše agencije, karte za metro.

**3) FAKULTATIVNI OBILAZAK NIKA** – Grad je riznica kako kulturno - istorijskih sadržaja, tako i prirodnih ljepota. Ovdje se nalazi mauzolej Toshogu, grobno mjesto osnivača dinastije Tokugawa Leyasu i jedan je od najljepših dvorskih kompleksa u Japanu koji je ušao pod UNESCO kulturnu zaštitu. U okviru njega se nalaze brojne prostorije sa umjetninama i rezbarijama od drveta od kojih su svakako najpoznatiji tri mudra majmuna (jedan ne čuje, drugi ne govori, treći ne vidi). Pored ovog možemo vidjeti brojne pagode kao i "tajni most" preko rijeke Daija. U blizini se nalazi i Rinnō-ji Budin hram.

**Cijena izleta uključuje:** usluge predstavnika naše agencije, karte za metro, povratnu voznu kartu, ulaznicu za Toshogu.

**4) FAKULTATIVNI OBILAZAK OSAKE** – Poludnevno razgledanje ove interesantne metropole, sa preko hiljadu godina dugom istorijom. Čak je i čuveni „Put svile“ vodio do Osake. Danas je treći po veličini grad u Japanu. Možemo vidjeti zamak Osaka, građen 16. vijeku, u kome je danas smješteno nekoliko muzeja. Obilazimo u Dotonbori, dio grada poznat kao centar mode i zabave, ali i po restoranima sa lokalnom kuhinjom.

**Cijena izleta uključuje:** usluge predstavnika naše agencije, karte za metro, ulaznicu za Osaka zamak.

**5) FAKULTATIVNI OBILAZAK KJOTA (KYOTO)** – grada koji zajedno sa 17 velikih hramova predstavlja dio svjetske kulturne baštine. Transfer vozom od Osake do Kjota. Obilazimo hram Kinkakuji ili Zlatni paviljon, najpoznatiji hram u Kjotu. Gornja dva sprata hrama su cijela prekrivena zlatnim listićima i posjeduje baštu koja je klasični primer baštenske kulture iz 14. vijeka. Nakon toga, odlazimo na najfotogeničnije mjesto u Kjotu – Arashiyamu, čuvenu šumu bambusa gdje ćemo napraviti najzabavnije slike. Autobusom nastavljamo dalje ka centru grada. Svrtaćemo na Nishiki market i obilazimo Gion u Kjotu, tradicionalnom japanskom mjestu gdje dominiraju lokalni restorani, čajdžinice i gdje rade gejše. Tu je sniman i film „Memoari jedne gejše“.

**Cijena izleta uključuje:** usluge predstavnika naše agencije, karte za metro, ulaznicu za Zlatni paviljon.

**6) FAKULTATIVNI OBILAZAK NARE I FUSHIMI INARI** – Transfer vozom od Osake do Kjota odakle prvo posjećujemo Fushimi Inari, najvažnije od nekoliko hiljada svetišta posvećenih Inariju, šintoističkom Bogu pirinča. Nakon toga, nastavljamo vozom ka nekadašnjoj prestonici Japana, Nari, koja je poznata i po tome što je budizam prvi put počeo da se propoveda u njoj i odatle se raširio po cijeloj zemlji. Šetnjom kroz Park jelena, stižemo do hrama Todaiđi iz 8. vijeka, građenog u cilju zaštite zemlje i prosperiteta nacije (hram se još uvek sastoji od nekih tridesetak paviljona iz različitih perioda i stilova).



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

**Cijena izleta uključuje:** usluge predstavnika naše agencije, karte za metro, ulaznicu za Todaiji hram.

**7) FAKULTATIVNI OBILAZAK HIROŠIME** – Transfer vozom od Osake do Hirošime. Obilazak parka i Memorijalnog muzeja mira, u spomen na 6. avgust 1945. godine i pogibiju više od 100.000 ljudi stradalih u eksploziji atomske bombe. Odlazak do Miđaima i posjeta crvenim Torii vratima u vodi na ovom ostrvu. Uživanje u svježim ostrigama i drugim morskim plodovima.

**Cijena izleta uključuje:** usluge predstavnika naše agencije, karte za metro, ulaznicu za Miđaimu, ulaznicu za muzej.

**8) FAKULTATIVNI OBILAZAK KAMAKURE** – grada poznatog po veličanstvenim hramovima, dobrim restoranima i popularnoj plaži. Prepoznatljiva je po statui Velikog Bude koju ćemo posjetiti prilikom obilaska.

**Cijena izleta uključuje:** usluge predstavnika naše agencije, karte za metro, ulaznicu za Velikog Budu.

**\*Napomena: Paket izleta je potrebno potvrditi i uplatiti najkasnije mjesec dana pred put!**

### Smeštaj

**Hotel 4\* u Dubaiju** \*\*\*\*

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

Hotel 4\* u Dubaiju je hotel sa četiri zvjezdice po lokalnoj kategorizaciji. Raspolože dvokrevetnim i trokrevetnim sobama. Nalazi se na 20 minuta vožnje od aerodroma. Usluga je na bazi noćenja.

**Hotel 3\* Tokio (Tokyo)** \*\*\*

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

Hotel 3\* u Tokiju je hotel sa tri zvjezdice po lokalnoj kategorizaciji. Raspolože dvokrevetnim sobama. Sobe su manje kvadrature i uglavnom sadrže manji bračni krevet. Usluga je na bazi noćenja.

Primjer hotela: Henn na Hotel Akakasa 3\*, Hotel Tavinosa Asakusa 3\*...

**Hotel 3\* Osaka** \*\*\*

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

Hotel 3\* u Osaki je hotel sa tri zvjezdice po lokalnoj kategorizaciji. Hotel raspolože dvokrevetnim sobama. Sobe su manje kvadrature i uglavnom sadrže manji bračni krevet. Usluga je na bazi noćenja.

Primjer hotela: The One Shinimamiya 3\*

### Prevoz

#### Mesta

##### Sarajevo

**Sarajevo** je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

##### Dubai

**Dubai** je jedan od sedam emirata u federaciji Ujedinjeni Arapski Emira. Ima 2.106.177 stanovnika i poznata je turistička destinacija. Dubai leži na sjeveru Emirata Dubai uzduž istoimenog kanala Perzijskog zaljeva, širokog od 100 do 1300 metara i dugog 14 km, koji ga dijeli na dva dijela.

##### Tokyo

Tokyo je glavni grad Japana, a Tokio Metropolis oblast je najveća aglomeracija na svijetu i sastoji se od preko 26 gradova i 8 sela koji su vremenom srasli u jedan grad. U njoj živi preko 35 miliona ljudi. Mnogobrojni muzeji, kultura i religija su jedan od razloga zbog kojih ovaj grad posjeti preko 5 miliona stranih turista.

##### Nikko

Nikko je grad koji se nalazi u prefekturi Tochigi, Japan. 2015. godine, grad je imao procenjenu populaciju od 84,197. Njegova ukupna površina iznosi 1.449,83 km<sup>2</sup> i površinom je treći najveći grad u Japanu. Popularna je destinacija za japanske i međunarodne turiste.

##### Osaka



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

Osaka je grad u Japanu u prefekturi Osaka. Osaka je treći po veličini grad u Japanu. Historijski je trgovački centar Japana i još uvijek je jedan od najvećih industrijskih centara i luka.

#### Kyoto

Kyoto je grad koji se nalazi u centralnom dijelu ostrva Honšu i ima oko 2000 hramova i svetišta, a veći dio grada se nalazi na UNESCO-voj listi Svjetske baštine od 1994. godine.

#### Narra

**Narra** je glavni grad japanske prefekture Nara u Kansai regionu Japana, u blizini Kyota. Sedam hramova i nekoliko arheoloških nalazišta su specifičnosti ovog grada. Naročito popularni za posjetioce su hramovi *Todai-ji*, *Saidai-ji*, *Kōfuku-ji*, Svetište *Kasuga-taisha*, *Gangō-ji*, *Yakushi-ji*, *Tōshōdai-ji* i *Heijo Palace*. Okolne ruševine su pod zaštitom UNESCO a dio svjetske kulturne baštine.

#### Hiroshima

**Hiroshima** je najveći grad pokrajine Chugoku i sedište prefekture Hirošima na zapadu Honshua, najvećeg japanskog ostrva. Hirošima je svjetski poznata kao prvi grad u historiji na koji je bačena atomska bomba.

### Korisne informacije

#### Japan

##### 1. OPŠTI PODACI

Japan je ostrvska država u istočnoj Aziji smještena na lancu ostrva istočno od Azijskog kontinenta, na zapadnom rubu Pacifičkog oceana sjeverno od Istočnokineskog mora. Japan čini arhipelag od više od 3000 ostrva od kojih su najveća ostrva: Hokkaido, Honshu, Shikoku i Kyushu koji čine više od 97% površine. Dva japanska slova koja označavaju ime Japana znače "izvor sunca" pa se tako cijela zemlja često naziva "Zemlja izlazećeg sunca". Japan je planinska zemlja, budući da oko 80% površine čine planine. Oko 66% površine prekriveno je šumama. Po državnom uređenju Japan je ustavna parlamentarna monarhija s carem na čelu. Japan je deseta zemlja svijeta po broju stanovnika s nešto manje od 128 miliona, od kojih 99% čine Japanci. Glavni grad je Tokyo koji sa susjednim gradovima ima oko 32 miliona stanovnika te je najveće metropolitansko područje svijeta.

##### 2. VIZE

Za državljane Bosne i Hercegovine potrebna je viza za Japan koja se vadi u ambasadi Japana u Sarajevu.

##### 3. ZDRAVSTVENA SITUACIJA

Za ulazak u zemlju nije potrebna vakcina. Situacija u pogledu nivoa radioaktivnog zračenja je normalizovana (voda, tlo, vazduh, hrana) i predstavlja predmet svakodnevne opsežne analize japanskih organa. Zdravstvena situacija u Japanu je zadovoljavajuća. Voda iz česme je bakteriološki ispravna i sigurna za piće. Ipak, mi preporučujemo našim putnicima da piju flaširanu vodu.

##### 4. VREMENSKA ZONA

Japan se nalazi u UTC+09:00 vremenskoj zoni, odnosno + 7h u odnosu na Bosnu i Hercegovinu.

##### 5. KLIMA

Japan ima umjerenu klimu i 4 izrazita godišnja doba, ali zbog velike udaljenosti od sjevera prema jugu klima varira od regije do regije. Krajnji sjever je zimi vrlo hladan, dok krajnji jug ima suptropsku klimu. Na klimu osim toga utiču sezonski vjetrovi koji pušu sa kontinenta prema oceanu zimi i u suprotnom smjeru ljeti. Kasni juni i rani juli su kišni period (osim u Hokkaidu), kada se nad Japanom nalazi sezonska kišna fronta (baiu zensen). U kasno ljeto i ranu jesen se iz tropskih područja niskog pritiska iznad ekvatora razvijaju tajfuni i prolaze od jugozapada prema sjeveroistoku, često donoseći obilne kiše.

##### 6. HRANA I PIĆE

Postoje dvije japanske kuhinje – i obje su tradicionalne. Jedna je tradicionalna u pravom smislu te riječi sa jelima koja su se vijekovima nalazila na trpezi prije šezdesetih godina XIX vijeka i japanskog otvaranja prema zapadu, i druga koja zapravo predstavlja uvođenje novih sastojaka i poznatih jela pripremljenih na japanski način. Budući da je Japan ostrvska zemlja, u pripremanju jela široko se koriste sve vrste morske ribe, rakova i morskih plodova u svim oblicima. Kao obavezna jela na japanskoj trpezi nalaze se razne vrste supa, skoro obavezan prilog uz svako glavno jelo je kuhana riža umjesto koje se vrlo često služi i tjestenina, dok se glavno jelo sastoji uglavnom od mesa ili ribe – kuhane, pržene ili grilovane. U pripremanju hrane koriste se i sve vrste povrća i voća, veliki broj začina od kojih je soja sos gotovo obavezan sastojak tako da je japanska hrana uglavnom veoma bogato začinjena i u poređenju sa ostalim kuhinjama znatno slanija ali i mnogo manje masna. Veoma često se meso, pogotovu riba, služi termički neobrađeno kao tradicionalni suši ili sašimi. Kada je riječ o cijenama obroka u restoranu, one variraju od mjesta gdje jedete. Najjeftiniji obrok možete da pojedete u restoranima brze hrane gdje većina Japanaca jede i gdje će vas obrok koštati od 5-7 eura. Nešto luksurniji restorani obrok naplaćuju u prosjeku od 10-20 eura.

##### 7. SIGURNOST

Japan važi za državu visokog nivoa javnog reda i mira, bez rizika od oružanih sukoba i sa niskom stopom kriminala u poređenju sa drugim razvijenim zemljama. Japan je, međutim, zemlja visokog rizika od prirodnih nepogoda.

##### 8. ODJEĆA

Bilo da putujete u Japan u proljeće ili jesen, preporučuje se slojevito oblačenje zbog razlike između jutarnjih i podnevnih temperatura. Svakako vam savetujemo da ponesete udobnu obuću kao i tanju jaknu za večernje sate.

##### 9. LOKALNA VALUTA

Zvanična valuta u Japanu je japanski jen (JPN, Yen) i to je jedino dozvoljeno sredstvo plaćanja. Plaćanje stranom valutom nije dozvoljeno.

Prema posljednjem kursu 1 euro = 125 jena, 1\$ = 103 jena. Mogu se koristiti platne kartice American Express, VISA, Diners Club i Master Card a u bankomatima kartice sa oznakom Cirrus, PLUS, Maestro i Visa Electron ali moramo da napomenemo da se često dešavalo da platne kartice ne prolaze u Japanu, stoga vam savetujemo da se oslonite isključivo na gotovinu.

## 10. STRUJA

Potrebno je ponijeti adapter za električnu energiju. Struja u Japanu je 100 volti (Amerika 120V, Evropa 230V) . Adapter je sa 2 tanka pljosnata ulaza.

### Važne napomene

#### Napomene:

\* Agencija ne utiče na raspoloživost i tip soba (bračni ili odvojeni kreveti), jer to zavisi od kapaciteta i raspoloživosti hotela u datom trenutku.

\* Tačan naziv smještaja biće potvrđen najkasnije do 30 dana pred put.

#### Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

#### Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevним satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.





**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

#### **Napomene u vezi sa fakultativnim izletima:**

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

#### **Napomene u vezi sa vizama:**

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.